

穆天子傳

全

Z121.6
1
(2)

丁巳夏五

蘇天甲懶

左孝同署



潮陽鄭
氏用孫
氏平津
館本刊

欽定四庫全書提要

穆天子傳六卷晉郭璞註前有荀勗序案束皙傳云太康二年汲縣人不準盜發魏襄王墓得竹書穆天子傳五篇又雜書十九篇周食田法周書論楚事周穆王美人盛姬事案今盛姬事載穆天子傳第六卷蓋卽束皙傳所謂雜書之一篇也尋其文義應歸此傳束皙傳別出之非也此書所紀雖多夸言寡實然所謂西王母者不過西方一國君所謂縣圃者不過飛鳥百獸之所飲食爲大荒之圃澤無所謂神仙怪異之

事所謂河宗氏者亦僅國名無所謂魚龍變見
之說較山海經淮南子猶爲近實郭璞註爾雅
於西至西王母句不過曰西方昏荒之國於河
出崑崙墟句雖引大荒西經而不言其靈異其
註此書乃頗引志怪之談蓋釋經不敢不謹嚴
而箋釋雜書則務矜博洽故也

穆天子傳舊序

穆天子傳出汲冢晉荀勗校定爲六卷有序言其事雖不典其文甚古頗可觀覽予考書序稱穆王饗國百年耄荒太史公記穆王賓西王母事與諸傳說所載多合則此書蓋備記一時之詳不可厚誣也春秋之時諸侯各有國史多龐雜之言下逮戰國王迹愆而聖言湮處士橫議而異端起人人家自爲說求其欲不龐雜其可得乎其書紀王與七萃之士巡行天下然則徒衛簡而徵求寡矣非有如秦漢之千騎萬乘空國而出也王之自數其過及七萃之規未聞以

爲迂也登羣玉山命邢侯攻玉而不受其牢是先王恤民之法未嘗不行至遇雨雪士皆使休獨王之八駿超騰以先待輒旬日然後復發去是非督令致期也其承成康熙治之餘百姓晏然雖以徐偃王之力行仁義不足以爲倡而搖天下以知非有暴行虐政而君子猶以王爲獲沒於祗宮爲深幸足以見人心之危之如此也是豈可效哉是豈可效哉存其書者固可以覽其古徵其事者又安可不考其是非歟南臺都事海岱劉貞庭幹舊藏是書懼其無傳暇日稍加讎校譌舛命金陵學官重刊與博雅之士共之諗

予題其篇端云時至正十年歲在庚寅春二月二十
七日壬子北岳王漸玄翰序

穆天子傳序

侍中中書監光祿大夫濟北侯臣荀勗撰

序古文穆天子傳者太康二年汲縣民不準盜發古

冢所得書也

○案晉書武帝紀云咸寧五年冬十月汲郡人不準掘魏襄王冢得竹簡小篆

古書十餘萬言藏于祕府史記周本紀正義晉咸和

五年汲郡汲縣發魏襄王冢得古書冊七十五卷咸

和卽咸寧之譌在太康前二年惟皆竹簡素絲編以

束哲傳云太康二年與此序同

臣勗前所考定古尺度其簡長二尺四寸以墨書一

簡四十字汲者戰國時魏地也案所得紀年蓋魏惠

成王子今王之冢也

○今王本本作令王从史記於世

本蓋襄王也

○藝文類聚四十引王隱晉書云盜發安釐王冢今晉書束哲傳云盜發魏襄

王墓或云安釐王案史記六國年表自今王二十一

年○史記哀王紀年作今王在位凡二至秦始皇三

十四年燔書之歲八十六年及至太康二年初得此

書凡五百七十九年其書言周穆王遊行之事○左傳正

義引王隱晉書束皙傳云周王春秋左氏傳曰穆王

欲肆其心周行於天下將皆使有車轍馬跡焉此書

所載則其事也王好巡守得盜驪騫耳之乘造父為

御以觀四荒北絕流沙西登昆侖見西王母與太史

公記同汲郡收書不謹多毀落殘缺雖其言不典皆

是古書頗可觀覽謹以二尺黃紙寫上請事平以本

簡書及所新寫。○案太平御覽七百四十九引王隱
法太康二年得汲冢中古文竹書荀自撰次注寫
以為中經別在祕書左傳正義引王隱晉書束皙傳
云汲郡初得此書表藏祕府詔荀勗和嶠以隸字寫
之疑當曰荀所寫僅得鍾本故未見本簡書今晉書
束皙傳云武帝以其書付祕書校綴次第尋
考指歸而以今文寫之當在事平之後也。竝付祕
書繕寫藏之中經副在三閣謹序

案此序漢魏叢書本不載道
藏本程氏本吳氏本皆有之

穆天

校正穆天子傳序

穆天子傳六卷晉太康二年汲縣民盜發魏襄王墓
中所得竹書也書記周穆王遊行四海見帝臺西王
母暨美人盛姬死事隋書經籍志云體制與今起居
正同蓋周時內史所記王命之副案史記穆王在位
五十五年此書所載尋其甲子不過四五年間事耳
雖殘編斷簡其文字古雅信非周秦以下人所能作
如聘禮云管人布幕于寢門外鄭君注云管猶館也
古文管爲官此書云官人陳牲官人設凡乃古文之
塵存者爾雅釋地云瓠竹北戶西王母日下謂之四

荒此書云紀迹于弇山之石眉曰西王母之山與爾雅所記合史記周本紀云穆王崩子共王絜扈立司馬貞索隱引世本作伊扈此書云喪主伊扈伊扈卽共王也尤足與經史相證據晉書束皙傳此書本五卷末卷乃雜書十九篇之一索隱引穆天子傳目錄云傅瓚爲校書郎與荀勗同校定穆天子傳今本卷首載勗序云謹以二尺黃紙寫上藏之中經副在三閣今本六卷當卽勗等所定也勗時收書不謹已多殘闕厥後傳寫益復失真晁公武郡齋讀書志云書凡六卷八千五百一十四字今本僅六千六百二十

二字則今本又非晁氏所見之本矣頤煊懼是書之
荒落因不揣禱昧取今漢魏叢書本與明程榮本吳
琯本汪明際本錢唐趙君坦所校吳山道藏本暨史
漢諸注唐宋類書所引互相叅校表其異同正其舛
謬爲補正文及注若干字刪若干字改若干字其無
可校證者闕之徒恨傳譌已久未能盡復舊觀如釋
古彝器碑碣之十得五六云爾嘉慶庚申六月三日
臨海洪頤煊書于西湖詒經精舍

穆天子傳卷一

晉 郭璞 注 臨海 洪頤煊 校

古文

飲天子鬪音涓山之上戊寅天子北征乃絕漳水絕猶

漳水今在鄴縣庚辰至于口觴天子于盤石之上觴者所以

觴天子乃奏廣樂史記云趙簡子疾不知人七日而

鈞天廣樂九奏萬舞不類三代載立不舍言在車上

至于鉞山之下燕趙謂山脊為鉞即井鉞山也今在

脊為鉞七字本脫从太平御覽一百六十一引補井

字也字从御覽八十五引補錢辛楣詹事云井鉞即

宋經即宋鉞也 癸未雨雪天子獵于鉞山之西阿

阿山陂也。阿太平御覽。于是得絕鉞山之隊。隊謂谷中

險阻道也音遂。北循虓沱之陽。虓沱河今在鴈門鹵城縣

西天子北升于口。天子北征于犬戎。國語曰穆王將

父諫不從遂征之得四白狼四白鹿以歸自是荒服

不至紀年又曰取其五王以東。今本紀年云穆王

十二年毛公班并公利逢公固帥師從犬戎口胡觴

天子于當水之陽。下文云犬戎胡觴天子于雷水

衍天子乃樂口賜七萃之士戰。萃集也聚也亦猶集

有智力者為王之爪牙也。文選虞子陽詠霍將軍

北伐詩注王元長三月三日曲水詩序注引皆無戰

字注輿上脫七字。庚寅北風雨雪。詩曰北風其涼雨

今从文選注補。遇注引天子以寒之故命王屬休。令王之徒甲午天

詩作霽。天子以寒之故命王屬休。令王之徒甲午天